

Ngā Pātai Auau

He aha taku pae taurewa?

Ko tō pae taurewa he nama i waenganui i te 1 mete 1000 e tohu ana i tō tūponotanga ki te utu i ō pire i te wā e tika ana. Ko te tikanga o tētahi pae teitei, ka whiwhi pea koe i ngā tāpaetanga mai i ngā pēke, me ngā kamupene inihua, ratonga tūmatanui. Ko te tikanga o tētahi pae hāhaka, e kore pea ngā kamupene e tuku pūtea taurewa ki a koe, ka teitei ake rānei te utu o te pāpātanga monihua.

Ka pēhea e tātaihia ai?

Ka kōhi mōhiohio ngā rōpū taurewa kiritaki mō ngā utunga pire, ngā hapanga utu i ngā pūtea taurewa me ngā whakatau a te kōti, ā, me te nui o tō moni taurewa puta noa i tō mōkete me ō kāri taurewa. Ka rekoatia hoki ngā utunga katoatanga o ō pire i te wā e tika ana, nā, ka piki tō pae taurewa.

He aha tētahi pae taurewa pai?

Ko te nuinga o ngā pae taurewa kei waenga i te 500 me te 900. He nui ake i te 705 te pae taurewa pai.

Me aha au mēnā e hē ana taku pae taurewa ki tōku whakaaro?

Ina whakaaro koe he mōhiohio hē kei roto i tō pūrongo pae taurewa Centrix, ka taea e koe te tono kia whakatikahia tēnei mā te whakapā mai ki a mātou. Ina whakaarotia he tono whakatika, ka uru pea te whakapānga ki te rōpū whakahaere nāna ngā mōhiohio i tuku ki a Centrix. Ka tohutohu mātou i a koe mō tā mātau whakatau i roto i te 20 rā mahi, māna, ka hiahia wā anō mātou ki te tūhura i tō tono.

Me pēhea taku whakapai ake i taku pae taurewa?

Me utu i ō nama i te wā e tika ana, ā, me whakahou i ngā taipitopito.

Me whakatau i ngā hapanga utu kāore anō kia ea. Ka noho pea te hapanga i runga i tō rekoata mō te 5 tau engari hei te roanga o te wā ka heke haere te pānga o taua hapanga. Mā te utu i tō hapanga e āwhina ki te whakaheke i te pānga tōraro.

Kaua e huaki i ngā pūkete hou, e tono auau rānei mō te moni taurewa. He pānga tōraro pea ki tō pae taurewa tō ngā tono maha mō ngā pūtea taurewa iti i runga i tō rekoata, i te mea kei kitea tētahi pikitanga ki te mōrearea. Kia mōhio mai, he rerekē te tono i tētahi hītori moni taurewa mā te tono i tētahi pūrongo, ki te tono moni taurewa mai i tētahi kaituku pūtea. Ka taea e koe te whakauru atu ki tō hītori moni taurewa me mātou, ā, he mutunga kore tō āhei ki tō pae taurewa, ka mutu e kore e pā kinotia tō pae taurewa.

Kāore he taurewatanga kino o taku rekoata, nā, he aha i tau ai taku pae taurewa ki te wāhanga āhua pai, kāore i teitei ake?

Kāore pea e tino nui ngā mōhiohio mō tō hītori moni taurewa, ko te tikanga o tērā kāore i nui ō tono moni taurewa, nā, he whāiti noa te raraunga hei whakatau i tō pae taurewa.

Ko ngā pae Tino Pai, Tino Pai Rawa Atu hoki ka whakawhiwhia i te wā he roa tō hītori moni taurewa, ā, me te hītori utu pire pai rawa e whakaatu ana i te pūmautanga teitei.

He aha te pūrongo pae taurewa o Centrix?

Kei roto i te pūrongo pae taurewa o Centrix ngā mōhiohio moni taurewa mōu e whakaaetia ana e te Waeture Tūmataitanga Pūrongo Moni Taurewa ("Waeture"). Ka whakarato pea a Centrix i tō pūrongo pae taurewa ki āna kaiohauru, tae atu ki ngā kaiwhakarato pūtea taurewa e whiwhi ana i tō whakaaetanga ki te arotake i tō pūrongo pae taurewa, me ngā kaikohi nama. I te nuinga o te wā, ko ngā kaiwhakarato moni taurewa he pakihī e tuku moni ana (pēnei i ngā pēke mē ngā kamupene ahumoni), he pakihī whakarato rawa me ngā ratonga rānei i mua o utunga (pēnei i ngā kaihoko waea pūkorō, kapuni, hiko rānei).

Kei runga pea i tō pūrongo pae taurewa ngā mōhiohio e whai ake nei:

- Tō ingoa katoa me ētahi atu ingoa karanga, ingoa o mua rānei
- Ira tangata
- Rā whānau
- Wāhi noho me ngā wāhi noho o mua
- Tō tūranga mahi me ngā mahi o mua
- Te kaitukumahi me ngā kaitukumahi o mua
- Te momo moni taurewa i tonoa
- Te nui o te moni taurewa i tonoa
- Mēnā ko koe te kaitono, te kaitono tūhono, te kaiwhakaoati rānei
- Rā o te tono
- Ngā taipitopito o te kaiwhakarato moni taurewa

Āpiti atu, tērā pea ka mau atu ēnei mōhiohio e whai ake nei e pā ana ki āu hapanga utu i tētahi nama moni taurewa i runga i tō pūrongo pae taurewa:

- Mēnā ko koe te kaipupuri pūkete, te kaiwhakaoati rānei
- Rā o te hapanga
- Momo pūkete, te rahi o te hapanga me te tapeke o te nama i runga i te pūkete
- Te tūnga o te hapanga tae atu ki ngā taipitopito o tētahi tukunga ki tētahi kaikohi nama me ngā utunga, utunga wāhi noa, tētahi kaupapa whakaritenga, whakakoretanga rānei i muri mai i te hapanga utu
- Ngā taipitopito o te whakataunga whakamutunga o tētahi tapeke o te taunoa
- Ngā taipitopito a te kaiohauru
- Tau tohutoro kiritaki a te kaiohauru

Kei tō pūrongo pea ko ngā mōhiohio i pūtaka mai i ngā rēhita tūmatanui pēnei i:

- Ngā Whakatau Kōti ā-Rohe, Kōti Teitei hoki
- Ngā whakahaeretanga Kamupene o nāianeī, o mua hoki
- Ngā pānui pēkerapu

He aha te āhua o taku pūrongo pae taurewa?

Tirohia tā mātou pūrongo tauira e whakamārama ana i te momo mōhiohio ka puritia e mātou.

Pāwhiri ki konei

Ka pēhea te roa o te whakaatu o ngā mōhiohio ki taku pūrongo pae taurewa?

Ka whakatakoto te Waeture i te roa o te noho o ētahi mōhiohio ki tō rekoata pae taurewa, tae atu ki ēnei:

Ngā pūrongo tono moni taurewa	5 tau mai i te rā o te tono
Mōhiohio hapa utunga	5 tau mai i te rā o te hapanga
Mōhiohio whakawā	5 tau mai i te rā whakataunga
Pēkerapu kotahi	E 4 tau mai i te rā i puta koe i te pēkerapu
Tāurunga kotahi ki te hātepe kore rawa	E 4 tau mai i te rā puta mai i te hātepe kore rawa
He nui ngā āhuatanga pēkerapu (i whakaratoa e te ture Insolvency 2006, wāhanga 449A)	Mō ake tonu
Pūkete o ngā tūhuratanga o mua	E 4 tau mai i te rā tūhuratanga
Ngā mōhiohio hara moni taurewa nui	E 5 tau mai i te rā o te pūrongo

Me pēhea taku mōhio he aha ngā mōhiohio moni taurewa mōku e pupuritia ana e Centrix?

Ka taea e koe te tono tāruatanga o tō pūrongo pae taurewa mai i a mātou. Kia mōhio pai ai mātou kei te tukua ki a koe tō pūrongo pae taurewa, ā, kua ki tētahi atu tangata, me whakaoti me te tuku mai ki a mātou he puka tono me te whakarato mōhiohio tuakiri hāngai. Ka taea hoki e koe te whakarite kia tukua ō mōhiohio ki tō māngai (hei tauira, he kaitohutohu ahumoni, he kaitohutohu nama rānei)

Ka aha mēnā ka whakatau a Centrix e kore ia e whakatika i ngā mōhiohio e ai ki taku tono whakatika?

Ki te kore mātou e whakatika i ngā mōhiohio e ai ki tō tono, ka taea e koe te tono kia tāpirihia ki te mōhiohio tētahi tauākī o te whakatikatanga i rapua e koe, ā, kāore i tutuki. Ka taea tēnei mā te whakapā mai ki a mātou. Ka taea anō e koe te tuku amuamu ki a Centrix, ā, ka tūhura mātou i tō amuamu i raro i tā mātou Hātepe Tuku Amuamu. Kei konei ngā taipitopito o tā mātou Hātepe Tuku Amuamu. Ka taea e koe te tuku amuamu mā te whakapā mai ki a mātau.

He aha ōku motika?

Ka tukuna e te Waeture Tūmataitanga Pūrongo Moni Taurewa ētahi motika motuhake ki a koe ki te whakauru ki ngā raraunga e puritia ana e mātou mōu, me te tono kia whakatikahia. Ka kitea i koneitētahi whakarāpopototanga o ō motika i raro i te Waeture Tūmataitanga Pūrongo Moni Taurewa 2020.

Ka pēhea mēnā e whakaaro ana ahau kua takahia e Centrix te waeture?

Ina whakaaro koe kua takahia e Centrix te Waeture Tūmataitanga Pūrongo Moni Taurewa 2020, me whakapā mai ki a mātou, ā, mā mātou e tūhura tō amuamu i runga anō i tā mātou Hātepe Tuku Amuamu. Ka kitea ngā taipitopito o tā mātou Hātepe Tuku Amuamu i konei.

Ka pēhea mēnā kua tāhaetia taku tuakiri?

Mēnā e whakapono ana i pā te hara tāware ki a koe, tērā pea ka pā ki a koe rānei (pēnei i te tāware ā-tuakiri) ka taea e koe te tono kia tāmoetia tō rekoata moni taurewa. Pānuitia ētahi atu mea ki [konei](#) hei tāmoe i tō whārangi rekoata moni taurewa.

He whakaaetanga tā Centrix ki te whakamua tono 'whakatārewa' ki ērā atu kaipūrongo moni taurewa e rua (Equifax me illion) ā, ka taea te tuku ēnei ki ētahi atu kia kore ai koe e mate ki te whakapā atu ki a rātou ina whakaae koe ki tēnei.

Ka pēhea mēnā kaore au e rata ki te otinga o taku amuamu?

Ki te kore koe e rata ki te otinga o tō amuamu ka taea e koe te tuku amuamu ki Te Mana Mātāpono Matatapu. Ka kitea ngā taipitopito me pēhea i te paetukutuku a Te Mana Mātāpono Matatapu www.privacy.org.nz.